

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

Broj: 01-50-2-180- 12/23
Sarajevo, 04.07.2024. godine

Na osnovu člana 24. Zakona o ministarstvima i drugim organima uprave Bosne i Hercegovine ("Službeni glasnik BiH", broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), a na osnovu Uputstva o načinu pripremanja godišnjeg programa rada i izvještaja o radu u institucijama Bosne i Hercegovine ("Službeni glasnik BiH", broj 45/15, 64/18 i 7/19), Konkurencijsko vijeće Bosne i Hercegovine, podnosi

IZVJEŠTAJ O RADU
KONKURENCIJSKOG VIJEĆA BOSNE I HERCEGOVINE ZA 2023. GODINU

Sarajevo,

juli, 2024. godine

I - UVOD

Konkurencijsko vijeće Bosne i Hercegovine (u daljem tekstu: Konkurencijsko vijeće) je samostalno tijelo koje je nadležno za dosljednu primjenu Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon) na cijeloj teritoriji Bosne i Hercegovine i ima isključivu nadležnost u odlučivanju o postojanju zabranjenog konkurencijskog djelovanja na tržištu BiH (zabranjeni sporazumi, zloupotreba dominantnog položaja i kontrola koncentracija).

Odredbama Zakona se regulišu različiti oblici sprječavanja, ograničavanja ili narušavanja tržišne konkurencije na teritoriji Bosne i Hercegovine ili izvan njene teritorije, ako postupanje nekih privrednih subjekata ima značajan uticaj na tržište Bosne i Hercegovine, a u skladu s članom 2. stav (3) Zakona:

"Ovaj Zakon primjenjuje se i na privredne subjekte sa sjedištem i prebivalištem u inostranstvu, ako njihovo djelovanje proizvodi značajan efekt na tržište Bosne i Hercegovine ili na značajnijem dijelu tržišta."

Posebna pažnja u odredbama ovog Zakona se usmjerava na utvrđivanje različitih oblika zabranjenih sporazuma među privrednim subjektima, zloupotreba dominantnog položaja, te kontrolu i ocjenu raličitih oblika koncentracija.

Zakonom se osigurala efikasnost u njegovom provođenju, prije svega kroz politiku novčanih kazni za privredne subjekte u slučaju njegovog kršenja, politiku ublažavanja ili ukidanja novčanih kazni privrednim subjektima u slučaju prijavljivanja kršenja odredbi Zakona (leniency policy) Konkurencijskom vijeću.

U skladu s odredbama Zakona, pred Konkurencijskim vijećem u 2023. godini vođeni su postupci pokrenuti po zahtjevima privrednih subjekata ili po službenoj dužnosti koji su za cilj imali utvrđivanje zabranjenih sporazuma i zloupotrebe dominantnog položaja, te ocjene izuzeća pojedinih sporazuma od zabrane. Konkurencijsko vijeće je u 2023. godini kontinuirano provodilo postupke ocjene dopuštenosti koncentracija privrednih subjekata u skladu sa Zakonom.

Tokom 2023. godine održano je 10 sastanaka stručnog kolegija i 16 sjednica Konkurencijskog vijeća.

Konkurencijsko vijeće je u 2023. godini zaprimilo 34 predmeta iz oblasti konkurencije. Od ukupnog broja zaprimljenih predmeta iz oblasti konkurencije, 14 predmeta se odnosilo na zabranjena konkurencijska djelovanja i to 10 zahtjeva za utvrđivanja zabranjenog sporazuma u smislu odredbi člana 4. Zakona o konkurenciji, 4 zahtjeva za utvrđivanja zloupotrebe dominantnog položaja u smislu odredbi člana 10. Zakona o konkurenciji, od kojih su se 3 zahtjeva odnosila i na zabranjeni sporazum i na zloupotrebu dominantnog položaja.

Konkurencijsko vijeće je usvojilo 4 konačne odluke: 2 zahtjeva za utvrđivanje zabranjenog sporazuma su odbijena, 1 zahtjev za utvrđivanje zloupotrebe dominantnog položaja je odbijen, u jednom od predmeta koji se vodio po oba osnova utvrđeno je postojanje zabranjenog sporazuma i zloupotrebe dominantnog položaja, dok je po jednom zahtjevu za utvrđivanje zloupotrebe dominantnog položaja donesena konačna odluka kojom se smatra da nema navedene povrede zakona.

U jednom slučaju stranka nije uplatila administrativnu taksu na zahtjev, te je nakon provedene istrage utvrđeno da nema osnova za pokretanje postupka po službenoj dužnosti, jedan od predmeta koji je zaprimljen po oba osnova prešao je u istragu koja je još u toku, dok je u jednom slučaju stranka odustala od zahtjeva. Preostalih 6 predmeta su u postupku rješavanja u skladu sa rokovima utvrđenim Zakonom o konkurenciji.

Konkurencijsko vijeće je u 2023. godini zaprimilo 16 predmeta koji se odnose na oblast ocjene koncentracija, gdje je na sjednicama Konkurencijskog vijeća usvojeno 9 konačnih odluka: 4 koncentracije

su odobrene, 5 prijava je odbačeno radi nepostojanja obaveze prijave koncentracije, jedna koncentracija smatra se dopuštenom, u skladu sa članom 18. stav (6) Zakona o konkurenciji, te je 6 koncentracija u postupku rješavanja.

U toku 2023. godine Konkurencijsko vijeće je zaprimilo i 4 Zahtjeva za pojednačno izuzeće od zabrane sporazuma, od kojih je jedan riješen donošenjem rješenja kojim nije odobreno izuzeće, dok je kod ostalih postupak u toku.

Zakonom o konkurenciji je utvrđena i nadležnost Konkurencijskog vijeća za davanjem mišljenja i preporuka o bilo kojem aspektu konkurencije, uključujući i davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju.

S tim u vezi, u 2023. godini, Konkurencijsko vijeće je zaprimilo 15 zahtjeva za davanje mišljenja, od toga je na sjednicama Konkurencijskog vijeća usvojeno 13 stručnih mišljenja o različitim aspektima konkurencije, u jednom slučaju stranka je odustala od zahtjeva, dok je u jednom preostalom slučaju postupak u toku.

Dakle, u 2023. godini ukupno je realizovano 47,06 % od svih zaprimljenih predmeta pred Konkurencijskim vijećem, te je završeno 93,33% stručnih mišljenja u odnosu na broj zaprimljenih zahtjeva, dok su ostali predmeti zaprimljeni u toku 2023. godine u postupku rješavanja i bit će okončani u skladu sa rokovima propisanim Zakonom.

Konkurencijsko vijeće je u 2023. godini pokrenulo i provodilo ukupno 25 istraga, od čega je šest istraga okončano, a devetnaest istraga je još u toku.

Od ukupnog broja istraga okončanih u 2023. godini, za pet je utvrđeno da nema elemenata za pokretanje postupka po službenoj dužnosti. Jedna istraga je okončana pokretanjem postupka po zahtjevu stranke, jer je u toku istrage zaprimljen zahtjev za pokretanje postupka.

Istrage su pokretane na osnovu anonimnih prijavi, prijavi fizičkih i pravnih lica, kao i po službenoj dužnosti u slučajevima kada se došlo do saznanja o mogućoj povredi tržišne konkurencije.

U izvještajnom periodu pokrenuta je jedna istraga po anonimnoj prijavi, četiri istrage po prijavi fizičkih lica, četrnaest istraga po prijavi pravnih lica i šest istraga po službenoj dužnosti.

Istrage se provode zbog postojanja sumnje u povredu Zakona o konkurenciji od strane privrednih subjekata u okviru djelatnosti koje obavljaju, koluzivnog djelovanja privrednih subjekata u postupcima javnih nabavki, kao i na istraživanje postojanja obaveze podnošenja prijave koncentracije privrednih subjekata i eventualno provođenje nedozvoljenih koncentracija.

Konkurencijsko vijeće vršilo je promociju tržišne konkurencije u 2023. godini, s ciljem osiguranja pravilne primjene zakonodavstva i podizanja svijesti i nivoa znanja, te upoznavanja stručne i šire javnosti o prioritetima u djelovanju Konkurencijskog vijeća, što je ostvarilo uglavnom putem stalnog informisanja javnosti i redovnog objavljivanja saopćenja za javnost te davanjem intervjua domaćim i stranim medijima, kao i učešćem na seminarima i radionicama. Tako je u 2023. godini, ukupno objavljeno 15 saopćenja za javnost u vezi sa odlukama donesenim na sjednicama Konkurencijskog vijeća, kao i niz saopćenja o međunarodnoj saradnji i promociji tržišne konkurencije, te održanim radionicama i konferencijama iz oblasti relevantnih za pravo i politiku tržišne konkurencije.

Konkurencijsko vijeće je u toku 2023. godine zaprimilo 7 zahtjeva za slobodan pristup informacijama od koji je 6 odobreno dok je jedan zahtjev za slobododu pristupa informacijama odbijen. Također upućen je veliki broj odgovora na različite upite fizičkih i pravnih lica.

Konkurencijsko vijeće je u 2023. godini nastavilo uspostavljenu bilateralnu/multilateralnu saradnju s organizacijama i institucijama iz oblasti konkurencije i to sa institucijama kao što su EC DG Comp, ICN, OECD, UNCTAD FTC i sl. S tim u vezi, članovi Konkurencijskog vijeća su učestvovali na seminarima kao i konferencijama u organizaciji ovih institucija kako slijedi:

- Predsjednik Konkurencijskog vijeća Nebojša Popić i član Konkurencijskog vijeća dr. Stjepo Pranjić su, na poziv Energetske zajednice, dana 20. aprila 2023. godine uzeli učešće na Vienna Forum on European Energy Law, koji se održao Beču, Republika Austrija.
- Član Konkurencijskog vijeća dr. Amir Karalić je u periodu 11-12. maj 2023. godine boravio u Barseloni, Španija radi učešća na seminaru pod nazivom Event on Economics of EU Competition Law: A Practical Guide for Practitioners koji je organizovan od strane ERA (Academy of European Law).
- Predsjednica Konkurencijskog vijeća BiH Adisa Begić i Ivo Jerkić, član Konkurencijskog vijeća BiH prisustvovali su ICN godišnjoj konferenciji koja je održana u periodu od 18-20. oktobra 2023. godine u Barseloni. Domaćin 22. Konferencije bila je The Spanish National Markets and Competition Commission (CNMC).

U polju bilateralne saradnje sa tijelima za konkurenciju usaglašen je tekst Memoranduma o saradnji sa Egipatskim tijelom za konkurenciju. Očekuje se tačan datum potpisivanja koji treba da predloži Egipatsko tijelo za konkurenciju.

U svrhu promocije tržišne konkurencije, predstavnici Konkurencijskog vijeća BiH u 2023. godini aktivno su učestvovali na niz konferencija, seminara i radionica u organizaciji institucija Bosne i Hercegovine, regionalnih organizacija, tijela za konkurenciju iz regiona, nevladinih organizacija i drugih privrednih subjekata, kako slijedi:

- Konferencija "Dvije decenije reforme javne uprave u Bosni i Hercegovini - (ne)naučene lekcije", - u organizaciji TI BiH i Ambasada Kraljevine Švedske u BiH održana dana 30.11.2023 godine u Sarajevu
- Koncentracije u organizaciji RCC OECD, 14 – 16.02.2023. godine, Budimpešta, Mađarska;
- Konferencija „Dani javnih nabavki“ u organizaciji Evropa komunikacije Banja Luka, 27. – 28.2023, Sarajevo;
- Uloga inernih kontrola u primjeni posljednjih Izmjena i dopuna Zakona o javnim nabavkama u organizaciji CHJ, 02.10.2023. godine, Sarajevo;
- Pravci razvoja javnih nabavki u Evropskoj uniji i Bosni i Hercegovini u organizaciji Ekonomskog foruma Banja Luka, 27.-28.11.2023. godine, Jahorina;
- Praktična primjena Zakona o javnim nabavkama sa osvrtom na namještanje ponuda u postupcima javnih nabavki sa aspekta Zakona o konkurenciji" u organizaciji ZAMM MEDIA CONSULTING d.o.o. Sarajevo, 16.11.-18.11.2023. godine, Dubrovnik;
- Stručna konferencija o javnim nabavkama u BiH „DAJANA“ 2023 u organizaciji EVROPA komunikacije, 27-28.04.2023 godine, Sarajevo;
- 8th COMPETITION LAW AND POLICY KONFERENCIJA in Memory of Prof. Vedran Šoljan "Goals of Competition Law and the Changing World" u organizaciji Ekonomskog fakulteta Univerziteta u Zagrebu, Asocijacija Politike i prava konkurencije Republike Hrvatske i AZTN, 25-27.05.2023 Dubrovnik;

- Competition Law and Policy, webinar u organizaciji UNCTAD-a, 23.10.-24.10. 2023. godine;
- Okrugli sto iz oblasti prava konkurencije u organizaciji Pravnog fakulteta Sarajevo, 05.12.2023 godine, Sarajevo;
- Western Balkans Digital Summit u organizaciji Ministarstva komunikacija i prometa BiH, održana dana 13.10.2023 godine, Sarajevo;
- Radionica za podizanje svijesti o važnosti prijavljivanja netarifnih barijera prepreka u izvozu i uvozu održana u organizaciji VTK-a, 03.10.2023 godine, Sarajevo;
- 2. stručna konferencija o javnim nabavkama u organizaciji EVROPA KOMUNIKACIJE održana 08.05.2023 godine u Sarajevu;
- Godišnja konferencija o finansijskom upravljanju i kontroli u javnom sektoru u Bosni i Hercegovini u 2023. godini u organizaciji CHJ-a, 13-14.11.2023 godine, Sarajevo;
- Analiza i kontrola koncentracija u nesigurnim vremenima u organizaciji RCC/OECD-GVH, 14-17.02.2023 godine, Budimpešta;
- Izazovi prava konkurencije u državama jugoistočne Evrope u organizaciji DEI-a, 19.04.2023 godine, Sarajevo;
- Promocija tržišne konkurencije (Competition Advocacy) u zajedničkoj organizaciji Regionalnog centra za konkurenciju iz Budimpešte i Tijela za zaštitu konkurencije i potrošača Republike Azerbejdžan, 18.-22. 09. 2023. godine, Baku;
- Dokazivanje kartela: vrste dokaza i standard dokaza u organizaciji projekta JEAN MONNET CENTER OF EXCELLENCE, Pravni fakultet u Sarajevu 27.-28.11.2023 godine, Sarajevo;
- Intellectual property rights and competition policy: friends or foes? u organizaciji RCC/OECD-GVH, 27-31.03.2023 godine, Budimpešta;
- Strategija razvoja javnih nabavki 2024-2028, u organizaciji MS 365 E3 Security and Compliance workshop u organizaciji SYS Company edukacijski centar, 20-21.03.2023 godine, Sarajevo;
- Strategija razvoja javnih nabavki 2024-2028 u organizaciji Agencije za javne nabavke BiH, septembar 2023 godine, Banja Luka;
- Detection tools u organizaciji RCC/OECD-GVH, 12-14.12.2023. godine, Budimpešta;
- GoConference RAZVOJ PRIVREDE POD UTICAJEM SAVREMENIH TEHNOLOGIJA u organizaciji WOW agencije, 12.12.2023. godine u Banjaluci.

Obzorim na veliki broj seminara, konferencija i radionica u kojima su aktivno sudjelovali uposleni u Konkurencijskom vijeću BiH, evidentan je značajan porast u promociji prava i politike tržišne konkurencije. Također, Konkurencijsko vijeće je kontinuirano učestvovalo u odboru/pododboru za provođenje privremenog Sporazuma o stabilizaciji i pridruživanju (SSP) Bosne i Hercegovine i Europske Unije, kao i u Vijeću za zaštitu potrošača BiH.

Nastavljena je saradnja sa regulatorskim tijelima iz sektora energetike, telekomunikacija, bankarstva, te drugim regulatorskim sektorskim tijelima i institucijama na državnom, entitetskom i nivou Brčko distrikta Bosne i Hercegovine, kao i Ombudsmanom za zaštitu potrošača Bosne i Hercegovine, udruženjima, agencijama i zavodima za statistiku.

U cilju povećanja stručnosti zaposlenih, odnosno u cilju jačanja stručnih i administrativnih kapaciteta u 2023. godini, državni službenici učestvovali su na seminarima u organizaciji različitih institucija i organizacija (Agencija za državnu službu BiH – ADS, Direkcija za evropske integracije – DEI, Regionalni centar za konkurenciju – RCC/OECD-GVH, Budimpešta R. Mađarska, Državna regulatorna komisija za električnu energiju - DERK, Centralna harmonizacijska jedinica – CHJ, Concurreces Pariz R. Francuska) i drugih državnih tijela vezano za svakodnevno obavljanje poslova u instituciji, te IT obuke vezane za digitalizaciju procesa i sigurnost podataka.

U toku 2023. godine, TAIEX tehnička pomoć EU odobrila je dvije aplikacije Konkurencijskom vijeću BiH. Jedna aplikacija je u formi radionice koja će biti održana u januaru mjesecu 2024. godine na temu“ EU

Competition Law and its implementation into domestic legislation“, dok druga aplikacija podrazumijeva studijsku posjetu jednom od tijela za konkurenciju EU, a koja će također biti realizirana u toku 2024. godine.

Tokom 2023. godine, Konkurencijsko vijeće je nastavilo kontinuirani rad na usvajanju internih akata. Tako su u izvještajnom periodu usvojeni Izvještaj o radu za 2022. godinu broj: 01-50-2-179-14/22 od 02.06.2023. godine, te Program rada Konkurencijskog vijeća BiH za 2023. godinu broj: 01-02-3-94-9/22 od 15.03.2023. godine. Usvojen je i Pravilnik o internim procedurama stvaranja i evidentiranja obaveza i načina potpisivanja finansijske dokumentacije broj: 01-02-3- 138-1/23 od 10.8.2023. godine, Rješenje o određivanju signature, dostavljanja pošte u rad i načinu potpisivanja akata Konkurencijskog vijeća, broj 01-02-3-139-1/23, od 10.08.2023. godine, te Plan integriteta u Konkurencijskom vijeću BiH broj: 01-50-5-178-10/22 od 10.10.2023. Pored toga, usvojeni su i Pravilnik o proaktivnoj objavi informacija Konkurencijskog vijeće Bosne i Hercegovine, broj 01-02-2-66-1/23 od 5.4.2023. godine, Odluka o korištenju novih Microsoft tehnologija (Cloud Computing) u Konkurencijskom vijeću Bosne i Hercegovine broj 01-02-2-67-1/23 od 07.04.2023., te Pravilnik o načinu korištenja službenih vozila u Konkurencijskom vijeću Bosne i Hercegovine broj 01-02-3-190-1/23 od 9.11.2023. godine.

U cilju usklađivanja sa zakonodavstvom Evropske Unije u oblasti prava i politike tržišne konkurencije, Konkurencijsko vijeće BiH je u toku 2023. godine kontinuirano radilo na izmjenama i dopunama Zakona o konkurenciji. Očekuje se da se Inicijativa za usvajanje ovih izmjena i dopuna uputi Ministarstvu vanjske trgovine i ekonomskih odnosa u narednoj godini.

Tokom 2023. godine pripremljen je Nacrt Pravilnika o izmjenama i dopunama Pravilnika o unutrašnjoj organizaciji Konkurencijskog vijeća br. 01-02-3-305-17/18 od 30.1.2020. godine i broj 01-02-3-305-19/18 od 05.01.2021. godine, koji je usvojen na 125. sjednici Konkurencijskog vijeća BiH dana 05.09.2023.godine, te upućen u daljnju proceduru radi konačnog usvajanja. U Nacrtu Pravilnika o izmjenama i dopunama su predviđena 3 nova radna mjesta u skladu sa zaključcima analize i stvarnih potreba, te povećanje koeficijenta za 2 zaposlenika u Konkurencijskom vijeću BiH.

Pivremeno finansiranje institucija Bosne i Hercegovine je bilo u periodu januar-mart 2023. godine u skladu sa Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar – mart 2023. godine broj: 05-16-2-8338-2/22 od 28.12.2022. godine.

Prema Zakonu o budžetu institucija Bosne i Hercegovine i međunarodnih obaveza BiH za 2023. godinu („Službeni glasnik BiH“, broj 22/23), Konkurencijskom vijeću je odobren budžet za 2023. godinu u iznosu od 1.774.000,00 KM.

Prema Izvještaju o izvršenju budžeta za period od 01.01. do 30.09.2023. godine broj: 01-16-1-165-3/23 od 27.10.2023. godine koji je dostavljen Ministarstvu finansija i trezora, izvršenje za navedeni period je 1.137.137 KM, a izvršenje u odnosu na ukupni budžet KV je 64,4%.

U Izvještaju o radu Konkurencijskog vijeća za 2023. godinu, predstavljen je period od 01.01.-30.09.2023. godine, jer u momentu izrade predmetnog izvještaja nije završena fiskalna godina, te se ne raspolažu sa preciznim podacima o izvršenju budžeta Konkurencijskog vijeća za cijelu 2023. godinu.

U vezi sa procesnim radnjama koje su u nadležnosti Konkurencijskog vijeća u skladu sa Zakonom (npr. rješenja po prijavama namjere koncentracije, rješenja o ocjenama usklađenosti sporazuma sa odredbama Zakona, davanje mišljenja itd.), naplaćuju se administrativne takse. Uplata istih propisana je Odlukom o visini administrativnih taksi u vezi sa procesnim radnjama pred Konkurencijskom vijećem ("Službeni glasnik BiH", broj 30/06 ,18/11 i 75/18).

Zakonom je propisano da Konkurencijsko vijeće može izreći novčane kazne privrednim subjektima, koje mogu biti do 10% ukupnog godišnjeg prihoda privrednog subjekta, ako utvrdi teže kršenje odredbi Zakona, odnosno do 1% za ostale povrede Zakona. Isto tako, Konkurencijsko vijeće može izreći i novčanu kaznu odgovornim licima privrednog subjekta u iznosu od 1.500,00 KM do 50.000,00 KM.

Prihodi od administrativnih taksi i novčanih kazni koje naplaćuje Konkurencijsko vijeće predstavljaju prihod Budžeta institucija Bosne i Hercegovine. U 2023. godini na osnovu administrativnih taksi uplaćen je iznos od 98.369,79 KM, na osnovu novčanih kazni iznos od 630.000,00 KM, što ukupno iznosi 728.369,79 KM ostvarenih prihoda u 2023. godini. Navedeni prihodi su u zakonom predviđenom roku uplaćeni u Budžet institucija Bosne i Hercegovine. Konkurencijsko vijeće je pokrenulo postupak prinudne naplate administrativne takse u korist Budžeta BiH u iznosu od 1.500,00 KM u postupku broj: 05-26-2-028-1-II/10.

Pravilnikom o unutrašnjoj organizaciji Konkurencijskog vijeća BiH utvrđeno je 29 radnih mjesta, od čega 6 vijećnika, 4 uposlenika i 19 državnih službenika. Na dan 31.12.2023. godine u Konkurencijskom vijeću BiH zaposlene su 24 osobe.

U 2023. godini došlo je do imenovanja nova 4 vijećnika u Konkurencijskom vijeću BiH. Naime, 14.12.2023. godine Vlada RS je imenovala Vanju Malidžana, čiji mandat je započeo u mjesecu decembru, dok je dana 28.12.2023. godine Vijeće ministara Bosne i Hercegovine imenovalo tri člana: Davora Savića, Ankicu Gudeljević i Ninelu Salihbašić, čiji mandat će početi dan nakon objave Rješenja o imenovanju u Službenom glasniku BiH.

II - IZVJEŠTAJ O PROVEDBI AKCIONOG PLANA PREDVIDENOG GODIŠNJIM PROGRAMOM RADA KONKURENCIJSKOG VIJEĆA BiH

II - IZVJEŠTAJ O PROVEDBI AKCIONOG PLANA PREDVIDENOG GODIŠNJIM PROGRAMOM RADA KONKURENCIJSKOG VIJEĆA BiH											
Opći cilj/principi razvoja: Integrirani rast											
Strateški cilj: Unaprijediti razvoj konkurentnog ekonomskog okruženja											
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasiju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije											
Specifični cilj: Povećati stepen zaštite tržišne konkurencije na tržištu BiH											
Programi, projekti i aktivnosti	Nosilac aktivnosti i (organizaciona jedinica)	Pokazatelji				Izvori finansiranja i troškovi			Vrijeme provedbe		Komentar
		Jedinica mjerenja (%; broj ili opisno)	Polazna vrijednost (n)	Ciljana vrijednost (n+1)	Ostvarena vrijednost na kraju godine (n+1)	Izvori finansiranja (proračun, krediti, donacije, ostalo)	Planirani troškovi	Ostvareni troškovi	Planirani kvartal za provedbu	Kvartal kada je aktivnost provedena	
I		3	4	5	6	7	8	9	10	11	12
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije											
1.1.1 Rješavanje predmeta iz oblasti konkurencije i davanje stručnih mišljenja											
1.1.1.1. Rješavanje predmeta iz oblasti konkurencije i davanje stručnih mišljenja i preporuka	KV BiH	Broj riješenih predmeta	49	49	30	budžet	1.764.00	1.137.137	Kontinuirano		Ostvareni i troškovi za period 01.01.2023.-31.09.2023.
	KV BiH	Broj saopštenja za javnost	0	11	11	budžet	10.000	5.728	Kontinuirano		Ostvareni i troškovi za period 01.01.2023.-

1.1.1.3. Pokretanje inicijative kod Ministarstva vanjske trgovine i ekonomskih odnosa Bosne i Hercegovine za izmjene i dopune Zakona o konkurenciji	KV BiH	Inicijativa za izmjene i dopune Zakona o konkurenciji	0	1					IV	31.09.2023. U 2023. godini ramatrana je inicijativa za izmjene i dopune Zakona o konkurenciji. Međim. ista nije upućena nadležnom Ministarstvu zbog specifične situacije sa istekom roka mandata više broja vijećnika. te dužinom trajanja kokursne procedure izbora novih članova KV BiH.
---	--------	---	---	---	--	--	--	--	----	---

III - IZVJEŠTAJ O IZRADENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BIH

III - IZVJEŠTAJ O IZRADENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BIH							
Opći cilj/principi razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stepen zaštite tržišne konkurencije na tržištu BiH							
Naziv zakona	Vrijeme provođenja			Status zakona zaključno sa 31.12.2023. godine			
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	Komentar
1	2	3	4	5	6	7	8
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv zakona)	-	-	-	-	-	-	-
1.1.1.2 (naziv zakona)...	-	-	-	-	-	-	-
1.1.2 (naziv projekta)...							
1.2 (naziv programa)...							

IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNIM PROGRAMOM RADA KONKURENCIJSKOG VIJEĆA BiH

III – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrirani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stupanj zaštite tržišne konkurencije na tržištu BiH							
Naziv podzakonskog akta	Vrijeme provedbe			Status podzakonskog akta zaključno sa 31.12.2023. godine			Komentar
	Planirani kvartal za provedbe aktivnosti	Kvartal kada je aktivnost provedena	3	Upućen rukovoditelju (DA/NE)	Usvojen od strane rukovoditelju (DA/NE)	Upućen VM BiH (DA/NE)	
1	2	3	4	5	6		
1.1 Zaštita tržišne konkurencije							
1.1.1 Izmjene i dopune podzakonskog akta							
1.1.1.1. Pravilnik o unutrašnjoj organizaciji Konkurencijskog vijeća BiH	IV	IV	DA	DA	NE	NE	
1.1.1.2. Akcioni plan za borbu korupcije za 2023. godinu	IV	IV	DA	DA	NE	NE	KV BiH nema obavezu upućivanja Vijeću ministara BiH

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH								
Opći cilj/principi razvoja: Integrirani rast								
Strateški cilj: Unaprijediti razvoj konkurentnog ekonomskog okruženja								
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije								
Specifični cilj: Povećati stupanj zaštite tržišne konkurencije na tržištu BiH								
Naziv međunarodnog ugovora	Vrijeme provođenja				Status međunarodnog ugovora zaključno sa 31.12.2023. godine			Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)		
1	2	3	4	5	6	7	8	
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije								
1.1.1 Rješavanje predmeta iz oblasti konkurencije i davanje stručnih mišljenja								
1.1.1.1 (naziv međunarodnog ugovora)	-	-	-	-	-	-	-	-
1.1.1.2 (naziv međunarodnog ugovora)...	-	-	-	-	-	-	-	-
1.1.2 (naziv projekta)...								
1.2 (naziv programa)...								

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH						
Opći cilj/principi razvoja: Integrirani rast						
Strateški cilj: Unaprijediti razvoj konkurentnog ekonomskog okruženja						
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije						
Specifični cilj: Povećati stupanj zaštite tržišne konkurencije na tržištu BiH						
	Naziv projekta javnih investicija	Vrijeme realizacije			Status (ZAVRŠENO, U POSTUPKU ODLOŽENO, PREKINUTO)	Komentar
		Očekivani period realizacije	Završen (DA/NE)			
		2	3	4	5	
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije						
1.1.1 Rješavanje predmeta iz oblasti konkurencije i davanje stručnih mišljenja						
1.1.1.1 (naziv projekta javnih investicija)		-	-	-	-	-
1.1.1.2 (naziv projekta javnih investicija)...		-	-	-	-	-
1.1.2 (naziv projekta)...						
1.2 (naziv programa)...						

VII - IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU KONKURENCIJSKOG VIJEĆA BiH

Kod izrade Izvještaja o radu, Konkurencijsko vijeće je u skladu sa članom 4. stav (1) tačka b) i članu 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14) primijenilo Pravila za konsultacije.

Konkurencijsko vijeće je dana 08.02. 2024. godine na 2. sjednici usvojilo prijedlog Izvještaja o radu Konkurencijskog vijeća BiH za 2023. godinu.

Javne konsultacije na prijedlog Izvještaja o radu Konkurencijskog vijeća za 2023.. godinu su započele dana 12.02.2024.godine, putem web-stranice Konkurencijskog vijeća www.bihkonk.gov.ba i trajale su do 27.02.2024.

Konkurencijsko vijeće je dana 12.02.2024. godine, postavilo prijedlog Izvještaja o radu Konkurencijskog vijeća za 2023. godinu na web aplikaciju e-Konsultacije radi javnih konsultacija koje su trajale do 27.02.2024. godine. U navedenom periodu na prijedlog Izvještaja o radu Konkurencijskog vijeća Bosne i Hercegovine za 2023. godinu nije pristigao nijedan prijedlog, primjedba niti komentar.

Vijeće ministara Bosne i Hercegovine na 52. sjednici održanoj 18.6.2024. godine razotrišlo je i usvojilo Izvještaj o radu Konkurencijskog vijeća Bosne i Hercegovine za 2023. godinu.

